

ԳՆԵԼ-ՏԻՐԻԹՅԱՆ ՎԻՊԱԿԱՆ ԱՎԱՆԴՈՒԹՅԱՆ ՊԱՏՄԱԿԱՆ ՀԻՄՔԻ ՀԱՐՑԻ ՇՈՒՐՁԸ

Վ. Ս. ՆԱԼԲԱՆԻՅԱՆ

Հայ հնագույն պատմական աղբյուրների մեջ իմ ուրույն տողն ունի V դարի պատմիչ Փավստոս Բյուզանդի «Պատմութիւն Հայոց»-ը: Ի շարս այլ կարևոր մատենագրական հրկերի, հայագիտությունը վստուց ի վեր փաստերով հավաստել է նաև այս ուշագրա՛յ պատմագրական հուշարձանի խոշոր արժեքը հայոց հնագույն անցյալի քաղաքական ու քաղաքացիական պատմության հետազոտման համար:

Մեր նշանավոր հայագետների հմտալից հետազոտություններում հանգամանորեն քննության են ենթարկվել ոչ միայն Փավստոսի մատենագրական ևրկի բնագրի հետ կապված բանասիրական-տեքստաբանական էական հարցերը, այլև գիտական հիմնավոր մեկնաբանություն են ստացել նրա բնույթի ու աղբյուրների հետ կապված կարևոր խնդիրները:

Ըստ ամենայնի արժեքավորելով Փավստոսի մատյանը իբրև աչքի ընկնող սկզբնաղբյուր IV դարի հայ կյանքի կարևոր իրադարձությունների ուսումնասիրության համար, հաստատելով նրա մի շարք տվյալների հավաստիությունը մասնավորապես Արշակունյաց Հայաստանի ներքին քաղաքական կյանքի կնճռոտ հարցերի գիտական լուսաբանության տեսակետից, հայագիտությունը միաժամանակ տեղին մատնանիշ է արել նրա սերտ կապը ավանդական զրույցների ու ժողովրդական վեպի հետ: Հիրավի, «այժմ այլևս կասկած չկա, որ այդ պրքի գլխավոր աղբյուրները եղել են ավանդական զրույցներ, լեգենդներ, վեպեր և նույնիսկ երգեր»¹:

Այս հանգամանքն էլ ինքնին պայմանավորում է Փավստոսի «Պատմության» յուրօրինակ ու բարդ բնույթը իբրև պատմական սկզբնաղբյուրի, որոշում նրա առանձնահատուկ տեղը հայ հնագույն մատենագրական երկերի շարքում:

Փավստոս Բյուզանդի ստեղծագործության մեջ շատ հաճախ պատմական հավաստի փաստն ու վիպական-ավանդականը այնքան միախառնված են, միահնչուված կամ միաձուլված, որ չափազանց դժվար է դրանց իսկական սահմանագծերը ճշտորեն հաստատելը, այն բանը որոշելը, թե որտե՛ղ է վերջանում իրական-պատմականը և որտե՛ղ սկսվում վիպական-ավանդականը: Այստեղից էլ միանգամայն ակնառու է, թե ինչ մեծամեծ թյուրիմացությունների առիթ կարող է տալ Բյուզանդի «Պատմության» անվերապա՝ օգտագործումը՝ իբրև ստույգ պատմական աղբյուրի: Ամեն առանձին դեպքում եղելությունների էությունը կամ պատմական անձնավորությունների արարքները քննելիս հետազոտողը պարտավոր է առավելագույն զգուշություն հանգես բերել՝ դատելով պատմականը վիպականից, իրական պատմությունը դեվարվես-

¹ Մ. Ա. Ս. Ն. Ն., Հայոց հին գրականության պատմություն, հատ. 1, Երևան, 1944, էջ 170»

տական հնարանքից, հնարավորին չափ ճշգրտելով այս կամ այն ավանդապատում գրույցի պատմական աստատոր, բացահայտելով նրա տակ թաքնված ճշմարտությունը:

Ինչպես ճիշտ նկատել են՝ «Բյուզանդի Պատմություն» մանրակրկիտ ուսումնասիրությունն այս տեսանկյունով մեծապես կնայաստեր այդ հուշարձանի բազմակողմանի արժեքավորման գործին, կսահմանագծեր բանաստեղծական վիպական հնարանին ու ստեղծագործական գյուտերն իրական-պատմական վավեր իրադարձությունից, կորոշեր նրա արժեքը թե՛ որպես զեղարվեստական երկ և թե՛ իբրև Հայաստանի պատմության հիմնական սկզբնաղբյուր²:

Այս ուղղությամբ մեր պատմագրությունն ու բանասիրությունն արդեն որոշ գործ կատարել է: Սույն հոդվածում մենք քննության ենք առնելու Փավստոս Բյուզանդի «Պատմության» մեջ պահպանված, Արշակ Բ թագավորի դահակալության շրջանի իրադարձություններին վերաբերող Գնեկ-Տիրիթյան հայտնի ավանդազրույցը՝ նպատակ ունենալով պարզելու այն հարցը, թե ի՞նչ իրական եղելության մասին է պատմում նա ալլաբանորեն, ո՞րն է արդյոք նրա տակ թաքնված պատմական ճշմարտությունը:

Նկատենք, որ ի շարս այլ ավանդական զրույցների, բանասիրությունը բազմիցս անդրադարձել է Փավստոսի «Պատմության» մեջ տեղ գտած այս վիպական ավանդությանը ևս՝ բանահյուսական տեսանկյունով:

Բավականաչափ մանրամասն քննության են ենթարկված ավանդապատում այդ զեղեցիկ հյուսվածքի վիպական-զեղարվեստական հանգամանքներն ու առանձնահատկությունները: Առանձնապես մեծ արժեք է ներկայացնում խնդրո առարկա ավանդազրույցի բանահյուսական-զեղադիտական հանգամանալից ու սպառիչ քննությունը, որ իրականացվել է բազմավաստակ հայագետ Մ. Արեղյանի կողմից՝ նրա «Հայ ժողովրդական վեպը» հետազոտության մեջ և «Հայոց հին գրականության պատմության» առաջին հատորում:

Սակայն, որքան մեզ հայտնի է, մինչև վերջերս հարկ եղած ուշադրությունը չի դարձվել վիպական ավանդության ձևով մեզ հասած այդ զրույցի վրա պատմագիտական տեսանկյունից, որն է լուրջ փորձ չի արվել թափանցելու վիպական հյուսվածքի խորքերը, բացահայտելու նրա հիմքում թաքնված բուն պատմական իրողությունը: Առանձին հետազոտողների կողմից լուրջ ուղահանուր ձևով նշվել է, որ Գնեկ-Տիրիթյան վիպական ավանդությունը ունեցել է պատմական հիմք: Նույնիսկ հայ նոր պատմագրության խոշորագույն ներկայացուցիչների հետազոտություններում ևս, թեև երբեմն մատնանիչ է արվում Փավստոսի «Պատմության» համապատասխան հատվածի վիպական-ավանդական բնույթը, սակայն պատմությունը շարադրելիս փաստորեն գրեթե ողջովին վավերական են դիտվում նրա բնականաբան տվյալները, օգտագործվում դրանք գրեթե նույնությամբ՝ իբրև ստուգիվ ու հավաստի պատմական տվյալներ՝ առանց զանազանելու իրական-պատմականը վիպական-ավանդականից³:

2 Կ. Մ. Եյիբ-Օ՝ան-Եանյան, Տիրան-Տրդատի վեպը ըստ Փավստոս Բյուզանդի, «Տեղեկագիր» Հայկական ՍՍՌ Գիտությունների ակադեմիայի (հաս. գիտ.), 1947, N 6, էջ 61:

3 Ն. Բ. Օրինակ, Ա. Մ. Գարագաշյան, Քննական պատմություն Հայոց, մասն Բ, Թիֆլիս, 1895, էջ 59—71, Մ. Ս. Մանյան, Ազգապատմություն, հատ. Ա, էջ 176—182, Լ. Ե. Հայոց պատմություն, հատ. I, Թիֆլիս, 1917, էջ 612—613, Հ. Մանանդյան, Քննական տեսություն հայ ժողովրդի պատմության, հատ. Բ, մասն Ա, Երևան, 1957, էջ 162—163 և այլուր:

Մեզ հետաքրքրող ավանդապատումը պրուլցյր պատմական-քննական տեսանկյունով հետազոտելու, վիպական հյուսվածքի տակ թաքնված ու այլաբանորեն արտացոլված պատմական իրողությունների բուն իմաստը ի հայտ բերելու առաջին լուրջ փորձն արեց՝ իր պատմագիտական ինքնատիպ ուսումնասիրություններով հայագիտական հասարակայնությունը քաջ ծանոթ սփյուռքահայ տաղանդավոր բանասեր-պատմաբան Հրանտ Ք. Արմենը՝ վերջերս հրապարակած իր երկու ուշագրավ հետազոտություններում⁴։

Այդ հետազոտությունները, լինելով տրագիցիոն հայեցակետի արթնամիտ քննադատության առաջին փորձերը, զերծ չեն, անշուշտ, առանձին թերություններից. նրանցում, իրոք, տեղ են գտել առարկություն վերցնող, վիճարկելի դրույթներ, ծանրակշիռ փաստերով բավականաչափ չհիմնավորված եզրահանգումներ։ Սակայն ամեն խրախուսանքից վեր է ու գնահատելի հետազոտողի պիտական-քննադատական համարձակ ոգին, որով առաջնորդվելով նա ի նորո է քննում հայտնի ավանդապատումը՝ պրուլցյր՝ մեկնաբանելով այն Արշակ Բ-ի գահակալության շրջանի հայ պատմական կյանքի էական առանձնահատկությունների տեսանկյունից, ձգտելով բացահայտել նրա կապը դարաշրջանի բազմաբան իրականության հայտնի եղելությունների հետ։ Քննադատական հետախուզման ճանապարհով հեղինակը հանգել է մի շարք արժեքավոր և ուշագրավ եզրակացությունների, որոնք սիրով պատգործելու ենք սույն հոդվածում։ Միաժամանակ նկատենք, որ դարաշրջանի պատմական որոշ ղեկավարի գնահատության վերաբերյալ հետաքրքրական դիտումներ ունի նաև պրոֆ. Մ. Մկրյանը՝ Ստ. Զորյանի «Հայոց բերդը» պատմավեպի մասին գրած իրախոսության մեջ⁵։

* * *

Գնել-Տիրիթյան ավանդապատումը հորինվածքը, ինչպես հայտնի է, ամբողջովին և ընդարձակաբար մեջ է բերված Փավստոս Բյուզանդի «Պատմության» մեջ։ Վիպական ավանդության որոշ դրվագներ օգտագործել է նաև քերթողահայր Խորենացին՝ Արշակ Բ-ի գահակալության շրջանի ղեկավարը պատմագրելիս։ Միանգամայն որոշակի է, այսպիսով, մեր պատմիչների հետաքրքրությունը Գնել-Տիրիթյան ավանդական գրույցի նկատմամբ։

Ամբողջ խնդիրն այն է, ինչպես այդ երևում է մատենագրական աղբյուրների ուշագիտ քննությունից, որ Արշակի ու նրա եղբորորդիների փոխհարաբերությունները (որոնք, ի դեպ, կազմում են ավանդական գրույցի հիմնական կորիզը), հանդիսանում են այն բարդ հանգույցներից մեկը, որոնց շուրջ դառնում են մեր անցյալի պատմագրության երկու խոշոր ղեմքերի՝ Փավստոսի ու Խորենացու՝ Արշակ Բ-ի գահակալության շրջանի մի շարք իրադարձություններին, մասնավորապես թագավորի վարած քաղաքականությանը ու անձնական հատկություններին տրվող կողմնակալ ու սուբյեկտիվ գնահատականները։ Ակնհայտ է, իրավ, որ IV դարի կեսերի հայ քաղաքական կյանքի մի շարք կարևոր հանգամանքներ մեր հիշյալ պատմիչների երկերում քննարկվում ու մեկնաբանվում են Արշակ-Ներսիսյան կոնֆլիկտի հայեցակետով, որը, բնա-

⁴ Տե՛ս «Պապ Արշակունի», Երուսաղեմ, 1958 և «Փառանձեմ թագուհի», Վենետիկ, 1962։

⁵ Տե՛ս «Գրական թերթ», 1960, № 13, 25 մարտի։

կանաբար չէր կարող իր կնիքը չդնել ինչպես հայտնի իրադարձությունների շարադրանքի, այնպես էլ նրանց գնահատության վրա: Այս հանգամանքը չի կարելի աչքաթուղ անել: Առաջ անցնելով նկատենք, որ այս պարագան ի հայտ է գալիս նաև խնդրո առարկա վիսյական ավանդությունը ուսումնասիրելիս:

Արդ, պատմական ի՞նչ իրողություն է արտացոլում Գնել-Տիրիթյան վիսյական ավանդությունը, որո՞նք են եղել իրականում Գնել արքայազնի սպանության և դրան հաջորդող այլ ոլորերգական դեպքերի բուն պատճառները, ի՞նչ հողի վրա են զարգացել Արշակ Բ-ի ու նրա եղբորորդիների փոխհարարությունները, որոնք, ինչպես հաջորդում են մեր պատմիչները, վերջիվերջո առիթ հանդիսացան Արշակի ու Ներսեսի և, դրանով իսկ որոշ իմաստով նույնիսկ՝ երկրի աշխարհիկ ու հոգևոր իշխանությունների հարաբերությունների բնույթը: Արդյո՞ք այդ բուռն ու ոլորերգական իրադարձությունների զխավոր պատճառները սոսկ անձնական կրքերը, կամ պատմական որոշ գործիչների մարդկային բնավորության արատներն են եղել, ինչպես շարահարում է ավանդական գրույցը:

Փալստոսի մոտ ամբողջական ձևով պահպանված այդ ավանդապատումը գրույցի համառոտ բովանդակությունը հետևյալն է. Արշակի եղբորորդին՝ Տիրիթի սիրահարվում է իր հորեղբորորդի Գնելի գեղեցիկ կնոջը՝ Փառանձևմին, որին տիրանալու նպատակով Արշակին քսությունը զրգում է Գնելի դեմ, թե իրր նա մտադիր է Արշակին սպանել ու զահր հափշտակել: Թագավորը հավատալով Տիրիթի սաղրանքներին, սպանել է տալիս Գնելին: Այս դեպքը զայրացնում է Ներսես հայրապետին, որը խիստ խոսքերով դատապարտում է Արշակի արարքը և հետևանքում նրանից: Այնուհետև, երբ ի հայտ է գալիս Տիրիթի քսության հանգամանքը, Արշակը հրամայում է սպանել Տիրիթին. սրան հետևելով է Արշակի ամուսնությունը Փառանձևմին հետ:

Պիտի խոստովանել, որ այս ամենը ներկայացված է մեծ ճարտարություն, վիսյական-գեղարվեստական ձևի մեջ ու կուռ պատճառաբանությամբ: Իրավ, այնքան է այլափոխված իրական եղելությունների նախնական տեսքը, այնքան վարպետորեն են հարդարված դրանք՝ վիսյական հանգամանքներով, որ միայն Փալստոսի «Պատմության» հիման վրա, հասկանալի պատճառներով, անհնարին է բացահայտել ավանդապատումը գրույցի հիմքում բնկած պատմական ճշմարտությունը:

Առաջադրված խնդիրը հնարավոր է դառնում լուծել ավանդապատումը գրույցի վիսյական հանգամանքների և Փալստոսի ու հորենացու համապատասխան վկայությունների համադրական-բնական վերլուծության ճանապարհով:

Ամենից առաջ անհրաժեշտ ենք համարում պարզել, թե ո՞վ էր արդյոք վիսյական ավանդության կենտրոնական դեմքերից մեկը՝ Գնելը. արդյո՞ք նա երկրի քաղաքական կյանքից հեռու, լուկ միայն գինախաղերով ու անմեղ վարձանքներով տարված այն «միամիտ» ու «անհոգ» «պատանյակն» է եղել, որպիսի տեսքով նրան ներկայացնում է ավանդապատումը գրույցը, իրավ, ի՞նչ քաղաքական-հասարակական արժեք է ներկայացրել նրա անձնավորությունը և ինչու է նրա պատուհասումը սկիզբ հանդիսացավ մեծամեծ բարդությունների՝ երկրի քաղաքական կյանքի տեսակետից:

Փափատոսի ու հորենացու համապատասխան տեղեկությունները հավաստում են, որ Գնելը Արշակ Բ-ի ավագ եղբոր՝ Տրդատի որդին էր, որը իր հոր և Արշակի մյուս եղբոր որդու՝ Տիրիթի հետ միասին իբրև պատանդ պահվում էր կայսեր պալատում:

Ըստ երևույթին այն ժամանակ, երբ կայսեր մոտ լուրջ կասկածներ են առաջանում, թե Արշակը իր քաղաքականությանը թեքվում է դեպի Պարսկաստանը, նա հրամայում է սպանել տալ իր մոտ պատանդ պահվող արքայազրորը՝ Տրդատին⁶ և իր զորավարներից մեկին հրամայում է դեպի Հայաստան շարժվել: Արշակն զգալով զրույթյան վտանգավորությունը, բարվոք է համարում զործր խաղաղությանը ավարտել և ներսևսին բնծաներով կայսեր մոտ է ուղարկում: Ներսևսին, ինչպես երևում է, հաջողվում է ոչ միայն կանխել արշավանքի վտանգը, այլև բարեկամական հարաբերությունները վերականգնել կայսրության հետ (պարսկա-բյուզանդական սրված հարաբերությունների պայմաններում, բնականաբար, դա շահեկան էր նաև կայսրության համար):

Խորենացու վկայությամբ, կայսրը մեծ պատիվների է արժանացնում ներսևսին և հայոց հետ հետադարձ հարաբերությունները լավացնելու նպատակով ներսևսին ուղևորում է Հայաստան, ինչպես և իր վախճանված եղբոր՝ Կոստասի հարսնացուին՝ Ուղոմպիային կին է ուղարկում Արշակին: Խորենացու վկայությունից հայտնի է դառնում նաև, որ կայսրը ներսևսի խնդրանքը ազատ է արձակում իր մոտ իբրև պատանդներ պահվող երկու արքայազուն երիտասարդներին՝ Գնելին և Տիրիթին, որոնց ևս ներսևսի հետ Հայաստան է առաքում: Նույն Խորենացու վկայությունից կարելի է մակարերել, որ կայսրը երկու արքայազուներից մեկի՝ Գնելի նկատմամբ առանձնահատուկ վերաբերմունք է ցուցաբերում: Քերթողահայրը վկայում է. «Բայց կայսերն բարերարութիւն արարեալ մանկանն Գնելոյ, յազազս զուր ի նոցանէ մահուանն Տրդատայ հօր նորա, տայ նմա զպատիւ հիւպատոսութեան, և զանձս յովսէս»⁸:

Քննարկենք Խորենացու այս վկայության հետաքրքրական հանդամանքները: Նախ՝ ինչպես տեսնում ենք, պատմիչը կայսեր՝ Գնելի նկատմամբ ցուցաբերած բարեհաճ վերաբերմունքը գնահատում է մարդկային առաքինության տեսակետից—կայսրը քաղելով իր մեղքը՝ իզուր թափած արյան փոխարեն՝ սպանված Տրդատի որդուն առանձնաշնորհումներ է տալիս: Կարելի է արդյոք հավաստի համարել Խորենացու տված այս պատճառաբանությունը: Հաղի՞թ թե: Այս առթիվ միանգամայն տեղին հիմնավոր կասկած է հայտնում Հրանտ Թրմնեյր՝ կայսեր այդ քայլը գնահատելով իբրև Գնելի նկատմամբ հեռուն գնացող քաղաքական հաշիվների արդյունք:

«Չենք գիտեր,— գրում է նա,— թե կայսրը երիտասարդ Գնելին այս բաղադրիկ պատիվը կ'ունեն քաղաքական հաշիվներով, որպես ապագա հավանական հայ թագավորի մը, եթե ոչ խղճահարված՝ տնոր հայրը սպանել տալուն

⁶ Խորենացին նրա այս բայի պատճառը համարում է Արշակի խրոխտանալը՝ հպարտանալն ու կայսեր նամակին պատասխան չուղարկելը. տե՛ս «Մովսիսի Խորենացույ Պատմութիւն Հայոց», Տփղիս, 1913, էջ 278 և 280—281:

⁷ Նույն տեղում, էջ 281:

⁸ Նույն տեղում:

համար, ինչպես խորենացին կգրեն: Կփորձվինք ենթադրել թե Կոստանդինոս քաղաքական նկատառումներով կառնեն այս քայլը»⁹:

Խորենացու որոշ տեղեկություններն ու ղեպքերի հետադա ընթացքը, իրոք, պարզորոշ ցույց են տալիս, որ հայոց արքայազնի վերաբերյալ կայսեր վերաբերմունքի իրական զրդումները եղել են հիմնականում քաղաքական որոշակի նպատակադրումներով:

Հատուկ ուշադրության արժանի է այն պարագան, որ դանձերի հետ միասին, կայսրը Գնելին շնորհել է «պատիւ հիւպատոսութեան»¹⁰:

Այնուհետև. առանձին՝ կարևորություն ունի այն հանգամանքը, որ Հայաստան առաքվող, կայսրից «հիւպատոսութեան» պատվին արժանացած արքայազնը հայրենի երկրում էլ բացառիկ արտոնյալ վիճակի մեջ է գրվել: Հետաքրքրական է այս տեսակետից այն պարագան, որ նա բնակություն է հաստատում Այրարատի Կուաշ (Կավաշ) ավանում՝ իր զահագուրկ պապի՝ Տիրանի մոտ: Դա աննախընթաց երևույթ էր ֆեոդալական Հայաստանի համար: Իսկ այն է, որ Արշակունյաց մեջ գործել է օրենք դարձած մի սովորություն—բացի թագավորից, արքունի տան անդամներից Այրարատում բնակվելու իրավունք է ունեցել թագավորի որդիներից միայն մեկը, որը զահաժառանգ է ճանաչվել իսկ արքունական տան մյուս անդամների համար մշտական բնակավայր է առանձնացված եղել երկրի մյուս զավառներում: Այդ շատ պարզ երևում է խորենացու մի վկայությունից. «Քանզի սովորութիւն էր՝ արքայի միայն բնակել յԱյրարատ և միոյ որդւոյ նորա, զոր փոխանորդ թագաւորի պահէին, և այլոց Արշակունեաց բնակել ի դաւառս Հաշտենից և Աղիովտի և Աոբերանւոյ, հանդերձ ոսճկօք և մտիւք յարքունուստ»¹¹:

Միանգամայն բացատրելի է այս վիճակը Արշակունյաց Հայաստանի համար. սահմանված կարգի նպատակն էր արքունիքի տան մյուս անդամներին հեռու պահել պետության կառավարման գործերից ու պալատական բանսարկություններից: Գնելի վերաբերյալ, ինչպես տեսնում ենք, խախտվում է ավանդական կարգը: Խորենացին այն վերադրում է լոկ արքայահոր՝ Տիրանի ցանկությանը¹²: Սակայն ինչպես դիտել են տալիս հետադա պարագաները, Գնելի բնակավայրի ընտրությունը, հավանաբար, եղել է ոչ միայն Տիրանի կամքով ու ցանկությամբ: Այս գործում ըստ երևույթին էական դեր են խաղացել այդ կարևոր հանգամանքներ ևս, որոնք շատ ավելի ծանրակշիռ են թվում, քան գորովագուծ պապի ցանկությունը:

Մի պարագայի վրա ևս արժև ուշադրություն դարձնել—դա Տիրանի արտակարգ հովանավոր ու խնամակալ դիրքն է Դնելի նկատմամբ: Խորենացու վկայությամբ, Տիրանը «տայ Դնելոյ զամենայն ինչս իւր, և զկալուածս գիւղից և

⁹ Հ. ր. ան. տ. Ք. Ա. ր. մ. են, Պապ Արշակունի, էջ 118—119. տե՛ս նաև նույն հեղինակի «Փառանձեմ թագուհի» աշխատությունը, էջ 23:

¹⁰ Հիւպատոս—Consul, կայսրության ստեղծումից սկսած վերածվել էր ամենարարձր պատվավոր կոչման, որին արժանացող կայսեր հպատակը դառնում էր նրա (կայսեր) կոչեղան. մանրամասնությունները տե՛ս Louis Brehier, Les institutions de l'Empire Byzantin, Paris, 1949, էջ 104—105, նաև Ю. А. Кулаковский, История Византии, том II, Киев, 1912, էջ 340—341:

¹¹ «Մովսիսի Խորենացույ Պատմութիւն Հայոց», էջ 232—283:

¹² Տե՛ս նույն տեղում, էջ 282:

դաստակերտաց¹³ Այս փաստը թերևս կարելի էր գնահատել իբրև զթառատ պապի հոգատար վերաբերմունքի արտահայտություն սիրելի թոռան նկատմամբ—Ճիրանը ցանկացել է լոկ նյութական ապահով վիճակ ստեղծել Գնելի համար։ Սակայն նկատի ունենալով ղեկավարի հետագա ընթացքը, հակված ենք կարծելու, որ այստեղ ևս զործ ունենք Տիրանի՝ Գնելի նկատմամբ բավականին հեռուն զնացող նպատակների հետ։ Տալով Գնելին իր «զամենայն ինչս»՝ թագավորական կալվածքները, գյուղերն ու դաստակերտները, Տիրանը, ըստ երկվայթի, քանացել է որքան հնարավոր է ամուր հենարան ու հզոր դիրք ստեղծել իր թոռան համար երկրում և այդ արևի է միանգամայն որոշակի նկատառումներից ելնելով։

Այժմ ուշադրություն դարձնենք այն բանի վրա, թե ինչով էր զբաղված հյուպատոսությունը Բարձր պատվին արժանացած և կայսեր ու պապի հոգացողությանը զանձների ու կալվածքների տեր դարձած Գնելը Կալաշում—զուցել իր ներկայությանը տարաբախտ պապին մխիթարելով, կամ Այրարատից դուրս բնակվող արքունական տան մյուս անդամների նման որսորդությամբ և անհոգ զվարճություններով ու խրախճանքներով... Ոչ ամենևին։ Նա շատ ավելի լուրջ հոգսեր և զբաղմունքներ ուներ, որոնց մասին մոտավոր զաղափար են տալիս խորհնացու հաղորդած որոշ տվյալները։

Պատմելով երկու հորեղբորդիների՝ Գնելի ու Տիրիթի փոխհարաբերությունների մասին, Պատմահայրը մեջ է բերում Տիրիթի՝ Արշակին հայտնած տեղեկությունները Գնելի վարքագծի մասին. «Ո՛չ գիտես, զի խորհալ է Գնելոյ սպանանել զքեզ, զի ինքն փոխանակ քո թագավորեսցէ։ Ահա, տես, արքայ, զնշան իրին, զի բնակեցաւ Գնել յԱյրարատ, ի կալուածս ձեր թագաւորաց, և սիրտ ամենայն նախարարացն եղև ընդ նմա։ Քանզի կայսերքն նիթելով զայդ՝ ետուն նմա զպատիւ հիւպատոսութեանդ, և զսնծս սաստիկս, որով պատրեաց զնախարարսն»¹⁴։

Այս առթիվ Փափստոսի մոտ կարդում ենք. «Եւ քսիս ստութեան զԳնելոյն նենդութեամբ առ թագաւորն Արշակ մատուցանէր (Տիրիթը)՝ թէ Գնել թագաւորել կամի, և զքեզ սպանանել. և ամենայն մեծամեծք և նախարարք և ազատք սիրեն զԳնել, և ամենայն աշխարհիս նախարարք կամին զտէրութիւն նորա ի վերայ իւրեանց առաւել քան զքոս»¹⁵։

Կարելի էր առանձին արժեք շտալ, թերևս նույնիսկ ամբողջովին անուշադիր թողնել պատմիչների այս վկայությունները, նկատի ունենալով, որ նրանք հետևելով, հավանաբար, ավանդապատում զրույցին, այն մեջ են բերում իբրև նախանձոտ ու ցածհոգի Տիրիթի քսություն, իբրև «անմեղ» Գնելի հասցեին արած ամբաստանություն։ Սակայն որոշ նկատառումներով պատմիչների մասնավորապես Քերթովահոր հիշյալ վկայությունը էական հետաքրքրություն է ներկայացնում պարզաբանվող խնդիրների պատմաքննական լուսարանություն տեսականից։

Ամբողջ խնդիրն այն է, որ խորհնացու կողմից իբրև Տիրիթի քսություն մեջ բերված տեղեկությունների էական մասի իսկությունը, ըստ էության, հավաստում է ինքը՝ պատմիչը։ Այսպես, վերը արդեն նշեցինք Գնելի բնակավայ-

13 Նույն տեղում։

14 Նույն տեղում։

15 «Փափստոսի թիղանդացոյ Պատմութիւն Հայոց», Թիֆլիս, 1913, էջ 181։

րի ընտրության փաստոր, որով ոչ միայն խախտվում էր զործող ավանդական կարգը, այլև մի տեսակ ասես կանխորոշվում էր Գնելին իրեն «փոխանորդ թագաւորի» գիտելու պարագան (հասկանալի է, իհարկե, առանց Արշակի համաձայնության)։ Նշեցինք նաև Տիրանի հողացողության շնորհիվ Գնելի ֆեոդալական հզորությունը և դիրքը ամրապնդելու հանգամանքը։

Եվ վերջապես՝ հորենացին ինքն էլ, ըստ էության, հավաստում է Գնելի՝ նախարարներին ու նրանց որդիներին իր շուրջը համախմբելու ակտիվ զործունեության փաստոր, որը, ինչպես կարծում ենք, էական նշանակություն ունի Արշակի ու նրա հզորորդու հարաբերությունների բուն էությունը պարզելու տեսակետից։ Խորենացին հաղորդելով Գնելի և Սյունյաց Անդոկ նախարարի զեղանի դստեր՝ Փառանձեմի ամուսնության մասին, այնուհետև շարունակում է. «(Գնելը) թագաւորապէս արարեալ հարսանիս, տայ առատապէս սլաքնս ամենեցուն նախաբարացն։ Որոց հանեալ ընդ նա և սիրեալ՝ ետուն առ նա զգաւակս իւրեանց, զորս առեալ, մեծապէս հանկուծեաց զինու և զարդու. և լաւելին ևս սիրել զնա»¹⁶։

Կարելի է թերևս կարծել, որ Գնելի նկատմամբ նախարարների համակիր վերաբերմունքը պայմանավորված է եղել մի էական չափով երիտասարդ արքայազնի անձնական հմայքով. գուցե, իրոք, իր բնավորությամբ ու վարվել-լաճելով նա մի հաճելի և դեպի իրեն ձգող անձնավորություն է եղել։ Սակայն Խորենացու վերոբերյալ վկայությունը բոլոր հիմքերը տալիս է ենթադրելու, որ ինքը Գնելն էլ իր ակտիվ զործունեությամբ ջանացել է սիրաշահել նախարարներին, ձգտել է իր շուրջը համախմբել նրանց ու նրանց որդիներին։ Եվ ահա օգտագործելով հարսանիքի առիթը, հավանաբար, ավանդական սովորության անվան տակ նա «առատապէս պարգևս» է տվել նախարարներին։ Այստեղ արդեն ասպհովված էր նրա՝ առատաձեռնությունը. կայսեր սլաքեղած «զանձս յոլովս» և իր պապի տված հարուստ ունեցվածքը, իրոք, հնարավորություն է տվել նրան իրականացնելու մտածածը։ Հարկ չկա, կարծում ենք, ապացուցելու, թե ինչ նշանակություն կունենային այդ առատ պարգևները՝ նախարարներից համախոհների մի շրջան ստեղծելու զործում։ Պարզ է, որ Գնելի շնորհած առատ պարգևների դաշմակցությանը դյուրությամբ կենթարկվելին ու Գնելի շուրջը կհամախմբվելին ամենից առաջ Արշակի՝ կենտրոնական պետության հզորացման քաղաքականությունից դժգոհ կենտրոնախույս նախարարները, և կամ օտարերկրյա կողմնորոշմանը հարող հայ իշխանները, որոնց թիվը, հարկավ, փոքր չէր։

Հատուկ ուշադրության է արժանի այն հանգամանքը, որ Գնելին համակիր, նրա շուրջ համախմբված նախարարները «ետուն սո նա զգաւակս իւրեանց» և Գնելը յրջորեն զբաղվել է նրանց զինավառման զործով, մի զբաղմունք, որ հարկավ, հեռու էր անհոգ զվաճեցություն լինելուց։ Խորենացու ականարկն այն մասին, թե Գնելը նախարարների որդիներին «մեծապէս հանդերձեաց զինու և զարդու», կարելի է հասկանալ նաև ռազմական պատրաստության իմաստով¹⁷։

16 «Մովսիսի Խորենացույ Պատմութիւն Հայոց», Լջ 282։

17 Հ. Աճառյանը հենց այս իմաստով էլ մեկնաբանում է Խորենացու խոսքերը, գրելով «Իր ռազմագիտական հմտության պատճառով՝ շատ նախարարներ իրենց որդիներին տալիս էին նրան (Գնելին)՝ զինավարժության մեջ կրթելու համար», Հայոց անձնանունների բառարան, հատ. Ա, Նրեան, 1942, Լջ 477։

Վերը շարադրվածը կովաններ է տալիս պնդելու, որ Կոստանդ կայսրը Կնել արքայազնին «հիւպատոսութեան» պատիւը շնորհելով ու «գանձս յուրովս» տալով Հայաստան էր ուղարկել քաղաքական հատուկ նպատակով: Վրաստան շինելով պարսից արքայի ձեռքից իր թագն ստացած Արշակի հավատարմության վրա, դժգոհ լինելով նրա վարած քաղաքականությունից (որի հիմնական ուղղությունն էր ազգային ինքնուրույնության կողմնորոշումը), կայսրը ի դեմս Գնելի «փոխանորդ թագաւորի» էր պատրաստում՝ սպասելով համար առիթի: Անհիմն չի լինի կարծիք, նույնիսկ, որ կայսրը իր մտադրությունները էր լիարժեքում Արշակից՝ նրան բացահայտ հասկացնել տալով, որ եթե նա ետ չկանգնի իր ընթացքից կամ թելի ղեւի պարսից արքունիքը՝ կզրկվի գահից, որը հոռմեական սվիների վրա կոթնած կստանա Գնելը:

Գործելու այս եղանակը տակավին նորություն չէր և ոչ էլ արտասովոր մի բան բյուզանդական խարդախ ու խորամանկ կայսրերի համար, որոնք ոչ մի միջոցի առաջ կանգ չէին առնում Հայաստանը ամբողջովին իրենց ազդեցությանը ենթարկելու համար:

Հետաքրքրական է պարզել, թե այս հարցում ի՞նչ դիրք է բռնած եղել արքայահայրը: Մատենագրական աղբյուրների սակավախոս տվյալները հիմքեր են տալիս ենթադրելու, որ Տիրանը ևս մտադրություն է ունեցել թագավորեցնելու թոռանը: Այս վարկածը ընդունելի է համարում Հրանտ Ք. Արմենը¹⁸, Իրականում եթե նույնիսկ պաշտոնական համաձայնություն չի կայացվել Տիրանի ու կայսեր միջև Գնելին թագավորեցնելու վերաբերյալ, ապա Տիրանը հավանաբար գաղտնի կերպով փաշփայել է այդ միտքը և նույնիսկ սատարել նրա իրականացմանը: Այս մասին չե՞ն խոսում արդյոք նախ և առաջ Գնելի ֆեոդալական հզորությունն ամրացնելու և երկրում նրա ազդեցիկ դիրք ստեղծելու ուղղությամբ Տիրանի գործ դրած ջանքերը: Այդ տարակույսից վեր է, որ արքայահայրը քաջ տեղյակ պիտի լիներ Վալաշում իր կամքով ու ցանկությամբ բնակություն հաստատած Գնելի՝ նախարարներին իր շուրջը համախմբելու ակտիվ գործունեությանը և նրանց որդիների ղինվորական պատրաստության հանգամանքներին: Անհիմն չի լինի, թերևս, կարծիք, որ այդ գործերում գեթ իր խորհուրդներով երիտասարդ արքայազնին կարող էր օգնած լինել փորձառու Տիրանը:

Գնելի նկատմամբ Տիրանի մտադրությունների էությունը առավել պարզ կդառնա, եթե նկատի ունենանք Տիրանի և Արշակ Բ-ի փոխհարաբերությունները: Պատմությունից հայտնի է, որ դահազուրկ Տիրանը համաձայն չէր թագավոր որդու վարած քաղաքականության մի շարք հիմնական կետերին և դժգոհ էր նրանից: Մյուս կողմից էլ Արշակից Տիրանի ունեցած դժգոհությունը կարող էր ունենալ նաև անձնական-հոգեբանական զրգապատճառներ: Նկատի պիտի ունենալ, որ Արշակը գահն ստացել էր Տիրանին կուրացնող և դահազուրկ անող պարսից արքայի ձեռքից: Այնուհետև, հազիվ թե բնական կլինի կարծիք, որ իր կենդանության օրով դահազուրկ արված ու փաստորեն աքսորի դատապարտված Տիրանը դյուրությամբ կհաշտվեր իր վիճակի հետ: Ըստ երևույթին, այլևս հույս չունենալով, որ կարող է ինքը ետ ստանալ կորցրած գահը (նա շատ լավ հասկանում էր, որ այդ հարցը վճռվում էր պարսից արքունիքում և կայսեր պալատում, կամ արքայից արքայի ու կայսեր ղինվանդիտական հա-

¹⁸ Տե՛ս նրա «Պապ Արշակունի», էջ 122:

բարեբրոթյուններով), Տիրանո ձգտում էր ուժեղ ու կտրուկ բնավորության տեր Արշակի փոխարեն զահ բարձրացնել անփորձ ու երիտասարդ Գնեկին՝ ակնկալիք ունենալով, որ այդ ձևով ինքր նորից կդառնա պետության փաստական ղեկավարը:

Գնեկին թագավորեցնելու հարցում, ուրեմն, համընկնում էին կայսեր շահերն ու զահագուրկ Տիրանի ցանկությունները, որոնց իրականացման համար վերջինս չէր կանգնի միջոցների բնորոշության առաջ:

Տիրանի դիրքը, բնականաբար, չէր կարող երկար ժամանակ զաղտնի մնալ, և այն վաղ թե ուշ հայտնի պիտի դառնար Արշակին: Ուշագրավ է, որ երբ Արշակը, ըստ երևույթին տեսնելով ղեկավարի բարդացումը և կանխագուշակելով Գնեկից սպասվող վտանգը, հրաման է առաքում նրան «կամ ընդունել զմահ, կամ գնալ յԱյրարատայ և արձակել ի քէն զուստերս նախարարացդ», և երբ Գնեկը ստիպված կատարում է թագավորի հրամանը ու հեռանում Կավաչից՝ մեկնելով «յԱղիովիտ և յԱորհրանի», Տիրանը, տեսնելով իր հույսերի փուլումը, բողոքում է խստորեն: Պատմիչի վկայությամբ «Տիրան հաւն նորա (Արշակի) պատգամս խիստ յղեաց առ որդի իւր Արշակ. վասն որոյ հեղձամահ եղև յիւրոց սենեկապետաց ի հրամանէ արքայի ի զաղտնիս, և ի նմին աւանյր ՚ուաշ թաղեցաւ...»¹⁹:

Այս վերջին փաստի իսկությունը հավաստվում է ղեկավարի զարգացման տրամաբանական ընթացքով:

Ազգային ինքնությունության կողմնորոշման և կենտրոնացած պետության քաղաքականությունը, որ բացառիկ բարդ քաղաքական իրադրության պայմաններում այնքան հետևողականորեն իրականացնում էր մեր պետականության նշանավոր ղեմքերից մեկը՝ Արշակ Բ-ն, բնականաբար, զոհեր էր պահանջում: Առաջնահերթը նրա համար եղել է երկրի քաղաքական շահը, որին նա պատրաստ է եղել զոհաբերելու ամեն ինչ՝ նույնիսկ իր հարազատների կյանքը:

Ինչպես հայտնի է, ավանդապատում գրույցը Արշակի ձեռքով Գնեկի պատուհասման միակ պատճառը համարում է Տիրիթի քսությունը, որի հիմքն էր նրա տոփանքը Փառանձեմի նկատմամբ: Գուցե, իսկապես, իրական հոգ ունի Տիրիթի տոփանքի ու քսության փաստը: Սակայն, ինչպես վերը տեսանք, Արշակի ու նրա եղբորորդու փոխհարաբերությունների բարդացման զլխավոր հիմքը իրականում հանդիսացել են քաղաքական լուրջ հանգամանքները: Մատենագրական աղբյուրների ընձեռած տվյալների քննական ուսումնասիրությունը մեզ բերում է այն համըզման, որ կայսեր հովանավորությունը վայելույթ Գնեկի թագապահանջության հանգամանքն է, որ ղեկավարը հանգեցրել է ողբերգական վախճանին: Գնեկը, ինչպես պիտի կարծել, կայսեր հովանավորությունը վայելելով, զահի թեկնածու է առաջադրվել երկրում բավականին մեծ ազդեցություն նվաճած բյուզանդասեր շրջանների կողմից: Արշակը հավանաբար սկզբում հույս է ունեցել, թե նրա թագապահանջական ձգտումները կարող է սանձահարել՝ նրան մեկուսացնելով ու Այրարատից հեռացնելով միայն: Սակայն հետո ղեկավարն ստիպել են թագավորին դիմելու ծայրահեղ միջոցին՝ հարթունիս զրավելով նրա ունեցվածքը, կամ, ինչպես ասում է խորհնացին՝ «ազահելով ի գանձս սպանելոյն և ի ժառանգութիւն»²⁰:

¹⁹ «Մովսիսի Խորենացույ Պատմութիւն Հայոց», էջ 283:

²⁰ Նույն տեղում, էջ 285: Հրանա Արմենը իրավամբ մերժելով վիպական ավանդության պատճառաբանությունը և ճիշտ մատնանշելով Արշակի ու Գնեկի փոխհարաբերությունների բա-

Այժմ տեսնենք, թե այս դեպքերին ինչպե՞ս վերաբերվեց Հայոց աշխարհի հոգևոր առաջնորդը՝ Ներսիս Բազանյանը։ Ավանդական գրույցը պատմում է, որ երբ Ներսիսը Փառանձեմից իմացավ Գնելի դեմ Շահապիվանում նախապատրաստվող դավադրության մասին, դեռ թագավորի մոտ և ցանկացավ կանխել այն, բայց այդ նրան չհաջողվեց և Արշակի հրամանով Գնելն սպանվեց։ Մեծապես զայրացավ Ներսիսը, ծանր խոսքերով դատապարտեց Արշակի արարքը, անիծեց Արշակին և ողջ Արշակունյաց ցեղը ու «գնաց ի թագաւորէն, և այլ ոչ դարձաւ անդրէն յայն բանակ»²¹։ Այլ խոսքով ասած՝ նա հրաժարվեց հայրապետական գավազանից և հեռացավ ասպարեզից։ Միանգամայն որոշակի է, որ իրական եղիլով յուր շատ է մթադնված վիպական հանդամանքներով։

Վերը արդեն նշեցինք, որ ինչպես Փափստոսը, նույնպես և Խորենացին Արշակ Բ-ի գահակալության շրջանի հայ քաղաքական կյանքի մի շարք իրադարձություններ առհասարակ գնահատում են Արշակ-Ներսիսյան կոնֆլիկտի հայեցակետով։ Հոգևոր դասի պատկանող մեր պատմիչների այդպիսի դիրքը միանգամայն բնական է ու բացատրելի։ Այժմ պատմագրության մեջ կասկածի ենթակա չէ այլևս այն, որ նրանք, իրոք, կողմնակալ վերաբերմունք են հանդես բերել ինչպես Արշակի անձնավորության, նույնպես և նրա վարած քաղաքականության նկատմամբ՝ ելնելով թագավորի ու Ներսիսի հայտնի փոխհարաբերություններից։ Այդ վերաբերմունքն իր բացահայտ արտահայտությունն է գտել նաև պատմիչների կողմից օգտագործված և անկասկած նրանց ձեռքով խմբագրված քննարկվող վիպական ավանդության մեջ, որում Արշակը՝ հայ պետականության իրոք նշանավոր դեմքը, բերվում է իբրև պետական ողջախոհությունից և մարդկային սովորական առաքինություններից միանգամայն զուրկ, խարդախ ու խորամանկ մի ոճրագործ, իսկ Ներսիսին՝ հատկացվում է մարդկային բարոյական բարձր սկզբունքների նախանձախնդիր պաշտպանի տեսլածային դերը²²։

Եվ ահա մատենագրական աղբյուրները Արշակի ու Ներսիսի հարաբերությունների խզման անմիջական առիթն են համարում Գնելի սպանության փաստը։ Միանգամայն պարզ է, որ եթե չկան այլ տվյալներ այդ փաստի հավաստիությունը ժխտող, ապա այդ դեպքում Գնելի անձնավորությունը պետք է բացառիկ կարևոր նշանակություն ունեցած լինի Ներսիսի համար, այլապես անհնարին է, իսկապես, կարծել, թե մի սովորական արքայազնի պատուհասման պատճառով Ներսիսի նման մի հաստատակամ ու համառ բնավորության

դարական բնույթը, անհամուլիչ քաջատրությունն է տալիս ինչպես Գնելի, նույնպես և Արշակի ու սպարապետ Վասակի քաղաքական կողմնորոշումներին։ Հեղինակը առանց որևէ լուրջ կրուկների պնդում է, թե Գնելի թեկնածությունը գահի համար առաջ է քաշել պարսկասեր կուսակցությունը, տե՛ս նրա «Պապ Արշակունի», էջ 119—120, 124 և այլուր, նույնպես և «Փառանձեմ թագուհի», էջ 28—30, 34 և այլն։ Այդպես էլ անհիմն է պատմաբանի առաջ քաշած կարծիքը Արշակի և Վասակի բյուզանդական կողմնորոշման մասին, բոլորովին առիթներով մի քանի անգամ կրկնում է նա իր նշված հետազոտություններում։

21 «Փափստոսի Բիզանդացույ Պատմութիւն Հայոց», էջ 187։

22 Հայ, մասնավորապես սովետահայ պատմագրությունը բավականին հիմնավոր բացատրություն է տվել Ներսիսի և Արշակի հակասություններին՝ մատնանիշ անելով դրանց իրական սոցիալ-քաղաքական դրդապատճառները։ Այստեղ տվելով ենթ համարում կրկնել արդեն հայտնի համարությունները։

տեր զործիր ինքնակամ կհրաժարվեր հայրապետական գալազանից ու կհեռանար ասպարեզից:

Գնելի անձնավորության քաղաքական-հասարակական արժեքին մեր վերլուծված բացատրությունը օգնում է հասկանալու ներսեսի վարմունքի բուն շարժառիթները: Կասկածի ենթակա չէ ներսեսի բյուզանդական կողմնորոշման պարագան. ավելին՝ նա եղել է բյուզանդասեր կուսակցության ամենազդեցիկ ղեմքն ու եռանդուն զործիրը: Կարծում ենք, որ այս քաղաքական կողմնորոշման ընդհանրության հիմքի վրա էլ իրականում ստեղծվել է Գնելի ու ներսեսի դաշինքը: Վերջինս ոչ միայն ջերմացրած պիտի լինի Գնելի թագապահանջության ձգտումը, այլև զործնական միջոցների դիմած՝ այն իրականացնելու համար: Այսպիսի եզրակացության համար հաստատուն կովան կարող են ծառայել ոչ միայն ներսեսի ու Արշակի՝ ծայր աստիճան լարված հակասությունները, այլև այն հանգամանքը, որ ներսեսը բազմամյա փորձով համոզվել էր, թե Արշակի զոյության պայմաններում անհնարին է հաստատել հողերը գերիշխանությունը գահի վրա, մի նպատակ, որին այնքան սեևուն հետամուտ էր թագավորի նախկին սենեկապետը: Ներսեսը մտածում էր, անշուշտ, որ երիտասարդ ու անփորձ Գնելին դա՛ Բարձրացնելու ղեկքում ղյուրության մը կհասնի իր իղձերի իրականացմանը: Եվ ահա, երբ Արշակին հաջողվում է մեջտեղից վերացնել Գնելին, որով խոշոր շահով թուլանում են բյուզանդասեր կուսակցության զիրքերը, ներսեսն ստիպված տեղի է տալիս ու հեռանում ասպարեզից:

Մեզ թվում է, որ ահա սա է ավանդապատում զրույցի տակ թաքնված մի կարևոր պատմական իրողությունը:

Հայտնի է, որ երկրում շոշափելի ուժ էր ներկայացնում նաև պարսկասեր կուսակցությունը, որին հարում էին մի շարք ազդեցիկ նախարարներ՝ խրախուսվելով պարսից արքունիքի օժանդակությունից ու խոստումներից: Արշակն ստիպված էր ուժեր կենտրոնացնել նաև այս հոսանքի դեմ:

Երկու ճակատով օտարատիրական հակադիր կողմնորոշումների դեմ պայքարելիս Արշակ Բ-ն, բնականաբար, առիթի ղեկքում պիտի օգտագործեր նրանց միջև եղած հակամարտությունները: Այս հանգամանքը, ինչպես նաև Արշակի պայքարը պարսկասեր հոսանքի դեմ իր յուրօրինակ վիպական արձագանքն է գտել խնդրո առարկա ավանդապատում զրույցում՝ մի կողմից Տիրիթի ու Գնելի, իսկ մյուս կողմից Արշակի ու Տիրիթի հարաբերությունների վիպական հանգամանքներում:

Վերը արդեն նկատեցինք, որ թերևս ավանդավերայր ճիշտ է վերաբերել Գնելի նկատմամբ Տիրիթի վարքագծի անձնական-կենցաղային շարժառիթը: Սակայն մեր քննության ֆոնի վրա որոշակի կասկած է առաջանում, թե իրականում արդյոք միայն արքայազնի տոփանքն է եղել Գնելի նկատմամբ նրա թշնամանքի հիմքը: Այս հարցի հետ սերտորեն կապվում են նաև Արշակի ու Տիրիթի իրական փոխհարաբերությունների բնույթի հարցերը:

Ո՞վ էր, հիրավի, Արշակի մյուս եղբորորդին՝ Տիրիթը, արդյո՞ք նա լուկնեկ ընտանիքի մյուս, մոլի ու քսու, տոփանքով լի սիրահար է եղել, ինչպիսին ներկայացնում է նրան վիպական ավանդությունը, ի՞նչ քաղաքական-հասարակական հակումներ է ունեցել նա, ի՞նչ դեր ու մասնակցություն է ունեցել նա ժամանակակից փոթորկահույզ կյանքի իրադարձություններին:

Պիտի ընտանիքները, որ այս հարոյի պարզաբանման համար մատենադրական աղբյուրները ուղղակի տվյալներ չեն հաղորդում: Այս հարցերի գեթ մոտավոր պատասխանը տալու համար անհրաժեշտ է ուշադրություն դարձնել մի կարևոր հանդամանքի վրա— դա Գնեկի դեմ Տիրիթի համադործակցությունն է՝ Վասակ սպարապետի ավագ եղբոր՝ Վարդ (Վարդան) Մամիկոնյանի հետ, որը սկզբում կարևոր պաշտոն է վարել Արշակի արքունիքում:

Բանն այն է, որ բյուզանդասեր կուսակցության կողմից դահի թեկնածու առաջ քաշված Գնեկի դեմ Տիրիթը մենակ չի դործել. նրան մասնավորապես մեծ աջակցություն է ցույց տվել Վարդ Մամիկոնյանը: Պատմիչը վկայում է, որ Տիրիթը Գնեկի վարքագծի մասին Արշակ արքային լուր է տալիս «հանգեր. բարեկամաւ իւրով Վարդանաւ զինակրաւ արքայի, որ ի Մամիկոնեան տոհմէն էր»²³. Եվ հորենացին մեջ է բերում նրանց հայտնած լուրը (ըստ հորենացու՝ Գնեկին ամբաստանող)՝ երկուսի անունից²⁴. Եվ այնուհետև շեշտում է Վարդանի խոսքերը. «Երդնոյր Վարդան յարեն արքայի և ասէր. «Իմովք ականջօք լուայ ի Գնեկոյ, զի ասէր, թէ ոչ թողում հօրեղօր իմում զվրէժ մահուան հօր իմոյ, որ վասն դորա եղև»²⁵: Ըստ հորենացու՝ Արշակը այս նույն Վարդի ձեռքով է ուղարկում Կավաշում գտնվող Գնեկին հաջեկազրված սպառնալի հրամանը՝ «կամ ընդունել դմահ», կամ՝ ազատ արձակել իր շուրջ հավաքված «զուստերս նախարարաց» և անհասպաղ հեռանալ Այրարատից: հորենացու վկայության համաձայն, նույն Վարդն է որսի ժամանակ արքայի հրամանով սպանում Գնեկին: Պատմիչը հատուկ շեշտում է, որ Վարդը «վաղվաղակի կատարէ ոչ այնչափ յաղաղս հրամանի թաղաւորին, քան թէ վասն կամացն Տիրիթայ իւրոյ սիրելւոյն»²⁶:

Փափստոսը, այլ կերպ շարադրելով Գնեկի սպանության հանգամանքները, դարձյալ մատնանիշ է անում այս գործում Վարդի ակտիվ դերը—Արշակը, ըստ Բյուզանդի վարկածի, Շահապիվանի նախասարդի տոնին հրավիրելու համար «առաքէր զՎարդան զնորայր սպարապետին՝ զնահապետ ազգին Մամիկոնեան տոհմին, զի մեծաւ երդմամբ և նենդութեամբ կոչել կարասցէ (Գնեկին), զի մի՛ խորհուրդն յայտնեսցի. զուցէ փախիցէ և ապրեցի. այլ զի պատրանօք և հրապուրանօք ածիցէ մինչև ի տեղին մահուան»²⁷: Այնուհետև պատմիչը վկայում է, որ «մեծաւ ուխտիւ և բազում պատրանօք դպատանեակն Գնեկ հանգերձ իւրով կնան և դրամբն հաւանեցուցանէր (Վարդը) երթալ հասանել ի բանակն արքունի իրեն այն թէ ի մեծարանս ինչ զնա կոչիցէ թաղաւորն, բազում խնդրանօք տարեալ հասուցանելը՝ եթէ թաղաւորն Արշակ ոչ կամեցեալ դտօնս նաւասարդաց առանց քո անցուցանել, զի հաճեալ և քաղցրացեալ է ընդ թեղ...»²⁸:

Որքան էլ այս տեղեկությունները հարդարված լինեն վիպական դույններով, այնուամենայնիվ մի բան պարզ է, որ Գնեկի դեմ Տիրիթին ակտիվ աջակցել է Վարդը՝ «զնահապետ ազգին Մամիկոնեան տոհմի»:

23 «Մովսիսի հորենացույ Պատմութիւն Հայոց», էջ 282:

24 Տե՛ս նույն տեղում:

25 Նույն տեղում:

26 Նույն տեղում, էջ 284:

27 «Փաւստոսի Բիւզանդացույ Պատմութիւն Հայոց», էջ 182:

28 Նույն տեղում:

Ո՞րն է նրանց համագործակցության ու դաշինքի հիմքը: Թերևս իսկապես Տիրիթն ու Վարդը անձնապես մտերիմներ են եղել միմյանց: Սակայն մենք հակված ենք կարծելու, որ այդ դաշնակցությունն իրականում լուրջ հասարակական-քաղաքական հիմք է ունեցել—արքայազնին և ժամանակի ամենաազդեցիկ նախարարներից մեկին մի բանակի մեջ են միավորել քաղաքական նույն կողմնորոշումն ու հեռուն գնացող նպատակները: Այս հարցի վրա լույս են ափսոսմամբ մատենագրական աղբյուրները, ի մասնավորի՝ հոբենագին:

Այժմ տեսնենք, թե ի՞նչ դերով է հանդես եկել ժամանակի քաղաքական կյանքի թատերաբեմում Վարդ Մամիկոնյանը: Այս հարցի պատասխանն ինքնին շատ բան կպարզի մեզ հետաքրքրող հանգամանքների մասին:

Մատենագրական աղբյուրների վկայությունները որոշակիորեն հավաստում են Մամիկոնյան նահապետի պարսկական կողմնորոշման փաստը: Հնարավոր է, որ սկզբում՝ արքունի բարձր պաշտոն վարելիս, նա հավատարիմ է եղել Արշակին: Բայց հետագայում այլ նախարարների՝ իր եղբոր՝ Վահան Մամիկոնյանի, Մերուժան Արծրունու և այլոց հետ միասին Վարդը ևս թեթևվել է դեպի պարսից արքունիքը՝ դառնալով պարսկասեր հոսանքի ականավոր դեմքերից մեկը: Այնքան մեծ վստահություն է տաժել Շապուհը Վարդի նկատմամբ, որ նրան է բնորոշ իբրև միջնորդ Արշակի հետ բանակցություններ վարելիս: Այդ շատ պարզ երևում է Փավստոսի համապատասխան վկայություններից. «...Եւ վասն զի պատգամաւոր իրացս այսոցիկ (խոսքը Շապուհի ու Արշակի դաշնադրական բանակցությունների մասին է—Վ. Ն.) էր տանուտէրն նահապետն Մամիկոնեան տոհմին երեց եղբայր Վասակայ, որում անուն Վարդան կոչէր, մեծապէս աւբայ Շապուհ յակն առեալ սիրէր զնա»²⁹:

Դեպքերը դասավորվում են այնպես, որ Վասակը կասկածելով Պարսկաստանում Արշակի դեմ նախապատրաստվող դավերի վրա՝ նրան համոզում է հեռանալ Շապուհի երկրից, չհավատալ նրա խոստումներին ու երդումներին: Արշակը լսում է նրան ու նրա հետ միասին Հայաստան փախչում՝ փաստորեն անավարտ թողնելով բանակցությունները Շապուհի հետ: Պարսից արքան, սակայն, չի կորցնում Արշակին դեպի Պարսկաստանը թեքելու հույսը, և նրան համոզելու նպատակով Հայաստան է ուղարկում նույն Վարդ Մամիկոնյանին: Խոսքը տանք պատմիչին. «Իսկ Վարդանն, Մամիկոնեան տանուտէրն,—գրում է Փավստոսը,—զայր հասանէր հրեշտակովեամբ յարքայէն Պարսից առ արքայն Հայոց Արշակ և մատուցանէր զհրովարտակն առաջի նորա: Եւ պատմէր նմա ի նմանէ բանս խաղաղովիւնան և զհաշտութեան, և զերդմանցն հաստատութիւն: Եւ տայր պատգամ, թէ որ ինչ եղեն, այն ահա թողեալ լիցի վնասն. քայց դու յայսմ հետէ կաց յութիւն բանի, և մի՛ անցաներ ըստ բան երդմանցըն բում օրինաց՝ յոր երդուար»³⁰:

Բերված տվյալները աներկբայելիորեն հաստատում են Վարդ Մամիկոնյանի պարսկասիրական ակտիվ գործունեությունը: Արդյոք քաղաքական այս հիմքի վրա չի՞ կովել նրա և Տիրիթի դաշինքը բյուզանդասեր հոսանքի, և մասնավորապես արքայազն Գնելի դեմ: Դեպքերի զարգացման տրամաբանական ինքնազարգացումը, ինչպես կարծում ենք, հաստատուն հիմքեր է տալիս այսպիսի ենթադրության համար:

²⁹ Նույն տեղում, էջ 195:

³⁰ Նույն տեղում, էջ 197:

Արշակ Բ-ն, ինչպես ասվեց, բյուզանդասեր ազդեցիկ հոսանքի ղեմ մարտնչելիս օգտագործել է այդ հոսանքի ու պարսկասեր կուսակցության հակասությունները: Անհավանական չէ, որ Գնելին մեջտեղից վերացնելու համար նա, իրոք, օգտագործած լինի պարսկասեր հոսանքի գործիչներին՝ մասնավորապես Տիրիթին ու Վարդին:

Արշակը, վաղ թե ուշ, սակայն, վճռական բայերի պիտի դիմեր նաև հետզհետե հղորացող պարսկասեր հոսանքի ղեմ՝ կանխելով նրա վտանգավոր գործունեությունը: Հենց այս ֆոնի վրա էլ, ահա, հասկանալի է դառնում, թե ինչու Գնելի հետ հաշիվները մաքրելուց հետո Արշակը անհրաժեշտ համարեց մեջտեղից միաժամանակ վերացնել նաև պարսկասեր հոսանքի ակտիվ գործիչ Վարդ Մամիկոնյանին ու նրա բարեկամ արքայազն Տիրիթին:

Պիտի խոստովանել, որ ավանդապատում գրույցի մեջ Վարդի ու Տիրիթի պատուհասման իրական հանգամանքները շատ են մթաղնված վիպական հնարաններով: Ակներե է, մասնավորապես, նրանց սպանության պատճառարանության լոկ վիպական բնույթը: Ըստ ավանդապատում գրույցի, ինչպես հայտնի է, Արշակը հրամայեց Տիրիթին սպանել, երբ վերահասու եղավ, թե նա իր մոտ ամբաստանել է Գնելին: Տիրիթն սպանվեց փախչելիս, Բասենի անտառներում: Այդ նույն ավանդավերջ Վարդի սպանության պատճառը համարում է նրա եղբոր՝ Վասակ սպարապետի նախանձն ու Փառանձեմի թելադրանքը³¹: Ըստ Փավստոսի վարկածի՝ Վարդն սպանվել է Արշակի հրամանով իր խսկ երբոր՝ Վասակի ձեռքով՝ Տաչքում, իր էրախանի ամրոցում³²:

Փավստոսից տարբերվելով, այլ կերպ է ներկայացնում հորենացին Տիրիթի ու Վարդի պատուհասման հանգամանքները³³: Ըստ հորենացու, երբ Շապուհն ավարտեց պայքարը «Հյուսիսական ազգերի» ղեմ, «արտահայտեց իր բարկությունը Արշակի վրա, որ նա այնքան տարիներ հարկ է տալիս կայսրին և ոչ իրեն»: Եվ այս պատճառով Արշակը «ընծաներով նրա մոտ է ուղարկում «ղՏիրիթ և զնորին սիրեցեալն Վարդան», ու հաշտություն է խնդրում: Բայց Շապուհը, որ ոխ ուներ հույների ղեմ «անցյալ պատերազմների համար». կռվի է ելնում նրանց ղեմ, և խնդրում է Արշակին՝ որ սա հայոց զորքով իր հետ զնաւ Արշակը պատճառներ բերելով, ինքը չի զնում, բայց մի փոքր զունդ է ուղարկում Շապուհին: Դրանից հետո, ըստ հորենացու, Արշակը Տիրիթի վրա բարկանում է ու նրան զրկում պատվից, պատճառ բերելով, թե Շապուհը հույների ղեմ զնաց Տիրիթի թելադրանքով: Եվ ապա, զրգովելով Վասակից՝ Արշակը նախատում է Տիրիթին ու Վարդանին «ամօթալի բանիւր և կսկծեցուցանողօք»: Չտանելով սլարսավանքը, ինչպես պատճառարանում է հորենացին, նրանք «ողէմ եղեալ զնացին առ Շապուհ հատուած»³⁴: Սակայն նրանց մտադրությունը չի իրականանում, Արշակի հրամանով Վասակը հետապնդում է նրանց ու սպանում երկուսին էլ:

Որքան էլ մանրամասների մեջ տարբերվեն հորենացին ու Փավստոսը, որքան էլ մոթ կետեր ունենան նրանց տվյալները, որքան էլ նրանց վկայություններում իրական փաստերը խառնված լինեն վիպական հանգամանքն-

31 Տե՛ս նույն տեղում, էջ 193:

32 Տե՛ս նույն տեղում, էջ 189—190:

33 Տե՛ս «Մովսիսի հորենացու Պատմութիւն Հայոց», էջ 285—286:

34 Նույն տեղում, էջ 286:

րին, այնուամենայնիվ մի բան պարզ է, որ Վարդի ու Տիրիթի սպանությունը իրականում ունեցել է լուրջ քաղաքական զրգասպաստճառներ: Այս երկուսի մտերմությունը, համատեղ գործունեությունը Գեղի ղեմ, Վարդի ակնհայտ պարսկասիրական վարքադիժը և մասնավորապես՝ Վարդի ու Տիրիթի միաժամանակյա համատեղ վախճանը (ըստ խորենացու վարկածի) կարծում ենք կոմաններ են տալիս տեսնելու Տիրիթի գործունեության քաղաքական բնույթը ու նրա անկման հասարակական շարժառիթները:

Իրադրությունների որոշակի ընթացքը, իրոք, ցույց է տալիս, որ անհավանական չի լինի կարծել նույնիսկ, որ արքայազն Տիրիթի պատուհասման զլխավոր պատճառը նրա թագապահանջական ձգտումն էր, որ չերմացվում ու պաշտպանվում էր պարսկասեր հոսանքին հարող նախարարների կողմից³⁵:

Իրերի վիճակի րնություն վերը շարադրված հայեցակետը, ի ղեկ, հնարավորություն է տալիս վերականգնելու պատմական ճշմարտությունը՝ Վասակ սպարապետի մասին, սրբելու մեծ հայրենասերի անվան վրա տրադիցիոն պատմագրության կողմից հանդրավի դրված «եղբայրասպան» արատը: Մեր րնությունից երևում է, որ իր այդ քայլով Վասակը մեկ անգամ ևս ապացուցել է իր նվիրվածությունը հայրենիքի ազատության ու անկախության մեծ գործին բարձր դասելով անձնականը հասարակականից:

Ահա թե պատմական ինչ իրողություններ են ընկած Գեղի-Տիրիթյան հայտնի ավանդավույի հիմքում, ահա թե Արշակի պահակալության շրջանի հայ քաղաքական կյանքի ինչպիսի բարդ ու ներհակ իրադարձություններ է արտացոլում արտաքին հայացքից սոսկ կենցաղային հանգամանքներ բովանդակող վիպական այդ հորինվածքը:

Վերջում կցանկանայինք նշել, որ վիպական այդ ավանդությունը որոշակի միտում ունի—այն ուղղված է Արշակի ղեմ և ժամանակին ծառայել է նրա անվանարկմանը՝ և՛ իրրե անձնավորության, և՛ իրրե պետական գործչի: Բացահայտ է մյուս կողմից վիպական հյուսվածքի մյուս միտումը՝ ներսևսի փառաբանումը, նրա հեղինակության բարձրացումը: Այս միտումներին ևս հարմարեցված ինչպես իրական ղեկրերի ղեկարավեստական արտացոլման ընդհանուր սկզբունքները, այնպես էլ հորինվածքի ճարտար կառուցվածքն ու վիպական հանգամանքները:

Ավանդավույի վերը նշված բացահայտ միտումների առկայությունը մտածել է տալիս, որ նրա հորինման զլխավոր միջավայրը պիտի որոնել, հավանաբար, ներսևսի աստվածացնող հայ հոգևոր դասի ու Արշակի վարած կենտրոնացած պետության հզորացման ու բուն ազգային կողմնորոշման քաղաքականությունից ղղոհ նախարարների շրջաններում: Վիպական ավանդության վերջնական խմբագրությունը, անկասկած, իրականացվել է մեր հոգևոր պատմիչների՝ Փավստոսի ու խորենացու, ձեռքով:

35 Հմմտ. Հրանտ Արմեն. Պապ Արշակունի, էջ 126:

К ВОПРОСУ ОБ ИСТОРИЧЕСКОЙ ОСНОВЕ
ЭПИЧЕСКОГО ПОВЕСТВОВАНИЯ О ГНЕЛЕ И ТИРИТЕ

В. С. НАЛБАНДЯН

(Р е з ю м е)

Древнеармянское эпическое повествование о двух племянниках царя Аршака Второго—принцах Гнеле и Тирите, дошедшее до нас в цельном виде в «Истории Армении» Павстоса Бузанда (V в.) и частично использованное в «Истории» Мовсеса Хоренаци, достаточно изучено с точки зрения фольклористики. Однако до последнего времени это произведение почти не привлекало внимания исследователей в историческом аспекте.

Несмотря на то, что армянская фольклористика подтвердила эпический характер указанного повествования, все же, даже в исторических исследованиях нового и новейшего периода, данные его зачастую почти целиком принимались и продолжают приниматься как исторически достоверные.

Сопоставление эпического повествования с ценными достоверными свидетельствами первоисточников и их сравнительно-критическое изучение показывает, что под бытовой окраской этого произведения скрываются сложные и противоречивые обстоятельства в период царствования Аршака Второго (середина IV в.). В частности, подтверждается, что в повествовании в иносказательном (и, вместе с тем, в значительной степени искаженном) виде отражалась ожесточенная борьба, которую, руководствуясь национальными побуждениями, вел царь Аршак против персидского и византийского господства, во имя укрепления центральной государственной власти. Положение Аршака и верных ему нахараров усугублялось тем, что они были вынуждены одновременно бороться и против внутренних врагов, раболепствовавших перед иноземными угнетателями. Часть армянской светской знати и духовенства, исходя из своих корыстных интересов, придерживалась иностранной, персидской и византийской, ориентации. Нередко к такой прослойке примыкали также отдельные члены царской семьи. Фактами подтверждается, что враждебные взаимоотношения между Аршаком и его двумя племянниками, вопреки утверждению эпического повествования, складывались на политической почве. Принц Гнел, получив от византийского царя почетный титул «консула» (*պիտրի հնչյաշինութեան*), в действительности стал одним из главных проводников византийского курса. В союзе с патриархом Нерсесом и при активной поддержке отца Аршака—Тирана, лишившегося трона, Гнел стремился свергнуть Аршака и занять его престол, за что и был казнен царем. Другой племянник царя—Тирит—также, вопреки повествованию, был казнен за свою политическую деятельность в пользу персидского двора. Враждебные взаимоотношения между Гнелом и Тиритом в действительности обуславливались противостоящими друг другу политическими ориентациями, хотя не исключена возможность существо-

вания и личных мотивов их вражды. Можно предположить, что в эпическом повествовании о Гнеле и Тирите отчетливо выражается, с одной стороны, тенденция дискредитировать Аршака Второго, а с другой—тенденция возвысить и прославить патриарха Нерсеса. Это дает основание полагать, что разбираемое повествование создавалось в кругах духовного сословия—последователей патриарха Нерсеса и нахараров, недовольных политическим курсом царя. Не исключена также возможность, что окончательная редакция этого произведения принадлежит перу наших духовных историков (в частности, Павстосу Бузанду). Ведь именно они истолковывали с большим пристрастием многие события периода царствования Аршака, ставя во главу угла конфликт между ним и Нерсесом